

Euskal Autonomia Erkidegoko hezkuntza sistemari buruzko informazioa

Euskadiko hezkuntza sistemaren ezaugarriak

Hezkuntza sistemaren helburu nagusia da ikasle guztiei euren garapen pertsonalean laguntzea eta gizartean aktiboki eta erantzukizunez parte hartzeko tresnak eta konpetentziak ematea.

Hezkuntza, beraz, funtsezkoa da pertsonaren integrazioa eta autonomia lortzeko.

Eskolatzea derrigorrezkoa da 6 urtetik 16ra bitartean eta doakoa Haur Hezkuntzako bigarren ziklotik (3 urtetik aurrera).

Haur Hezkuntza 1. zikloa	0tik 3 urtera
Haur Hezkuntza 2. zikloa	3tik 6 urtera
Lehen Hezkuntza	6tik 12 urtera
Derrigorrezko Bigarren Hezkuntza	12tik 16 urtera

Gure erkidegoko haurren %90 baino gehiago 2 urterekin eskolatuta daude.

Gure hezkuntza sistemak bermatzen du Euskal Autonomia Erkidegoan bizi diren haur guztiek hezkuntza izateko eskubidea dutela, baita bizi diren auzoan edo herrian ikaspostu bat izateko eskubidea ere, eta, leku horietan eskolarik ez badago, hurbilen dagoen ikastetxean.





Euskadiko hezkuntza sistemaren ezaugarriak

Euskal Autonomia Erkidegoko ikastetxeetan **euskaraz** eta **gaztelaniaz** ikasten da. Biak dira gure erkidegoko **hizkuntza ofizialak**.

Ikastetxe bakoitzak bere **Hizkuntza Proiektuaren** arabera eta eskaintzen duen ereduaren arabera ezartzen du irakas hizkuntza. Ikastetxe guztiek bermatuko dute Oinarrizko Hezkuntza bukatutakoan ikasleek gaitasun nahikoa izango dutela bi hizkuntza ofizialetan.

Datu orientagarria:

2018-2019 ikasturtean eskolatu diren 3 urteko ikasleetatik %3 A ereduari matrikulatu dira, %16 B ereduari eta %81 D ereduari.



Hiru ereduetan, gainera, ingelesa irakasten da lau urtetik aurrera.


Matrikula egiteko ohiko epean (otsailean) familiek aukeratzen dute beren haurrentzako ikastetxea eta ikasteredua.

Euskal Hezkuntza Sistemaren Organigrama

Derrigorrezko Bigarren Hezkuntza gainditzen duten ikasleek “Derrigorrezko Bigarren Hezkuntzako Graduatu” titulua eskuratu dezakete. Horrek aukera ematen die Batxilergoa edo Lanbide Heziketako erdi mailako zikloak ikasteko.

Derrigorrezko Bigarren Hezkuntzako Graduatu titulua lortzen ez dutenek estatu-mailako balioa duen “ikasketa-ziurtagiri” ofiziala eskuratu dezakete.

DBHko 3. mailan eskolatuta egon diren eta 15 urte dituzten ikasleak Oinarrizko Lanbide Heziketa zikloetan matrikulatu daitezke (bi ikasturteko iraupena). Horrez gain, 18 urtetik aurrera aukera izango dute Pertsona Helduen Hezkuntzan “Derrigorrezko Bigarren Hezkuntzako Graduatu” titulua eskuratzeko.



Ikasleen matrikulazioa

Matrikulatzeari buruzko informazioa	Matrikulazio prozesua ohiko epean (normalean otsailean)	Matrikulazio prozesua ohiko epez kanpo
<p>Familiiek etxetik hurbilen duten ikastetxea bisitatu ahal dute. Han emango diete matrikulazioaz behar duten informazioa.</p> <p>Matrikulari buruzko informazioa Hezkuntza Sailaren Lurralde Ordezkaritzetan ere eskuratu daiteke:</p> <div data-bbox="100 716 614 1152"><p>Araba San Prudencio, 18. 01005 Vitoria-Gasteiz Tel: 945 01 72 00 e-mail: huisaregaraba@euskadi.eus</p><p>Gipuzkoa Andia,13. 20004 Donostia-San Sebastián Tel: 943 02 28 50 e-mail: huisgreg@euskadi.eus</p><p>Bizkaia Gran Vía, 85. 49011 Bilbao Tel: 94 403 10 69 e-mail: huisbreg@euskadi.eus</p></div>	<p>Lehen eta Bigarren Hezkuntzan otsailean zehar irekitzen da normalean matrikula egiteko ohiko epea. Gehienez hamabi ikastetxe aukeratu daitezke nahi den hurrenkeran.</p> <p>Matrikula ikastetxean burutu daiteke, Hezkuntza Sailaren Lurralde Ordezkaritzan edota edozein ordenadoretatik; aplikazioan erregistratu behar da eta beharrezkoa den dokumentazioa gehitu: familia-liburua, errolda-agiria, egoitza-baimena, pasaporte...</p> <p>Matrikulazio-epea bukatutakoan, onartuen behin-behineko zerrenda argitaratuko da.</p>	<p>Ohiko epez kanpo iristen diren familiak edozein ikastetxetara edota Hezkuntzaren Lurralde Ordezkaritzetara jo dezakete eta dagokion inprimakia bete.</p> <p>Lurralde bakoitzeko Eskolatzeko Batzordeak matrikula-eskaera aztertu eta familiei esango die euren semea edo alaba zein ikastetxetara joan behar duen.</p>

Bere herrialdean Oinarrizko Hezkuntza gaindituta duen ikasleak **ikasketa-baliokidetz**a eskatu dezake jatorrizko ikastetxean, baldin eta nazioarteko hitzarmenek ezarritako baldintzak betetzen baditu. Horretarako **Estatuko Goi Ikuskaritz**ara joan behar du (Gobernuaren Azpiordezkaritza Euskal Autonomia Erkidegoan) dokumentazioarekin eta tasak ordaindu.



Egutegia

Ikasturtea irailean hasi eta ekainean amaitzen da.
Hiru oporraldi daude:

Gabonak: abenduan

Aste Santua: martxoan edo apirilean

Uda: ekainaren amaieratik irailaren hasierara

Horrez gainera, jai zehatz batzuk ere badaude, ikastetxe bakoitzaren lan egutegiaren arabera..

Lehen Hezkuntzako ikasleak egunean 5 orduz egongo dira ikastetxean, eta jardun etena izango dute: goizean saio bat eta arratsaldean beste bat, eta eguerdian bazkaltzeko etenaldia.



Ordutegia

Bigarren Hezkuntzako ikasleak egunean 6 orduz egongo dira ikastetxean. Saioak goizetan eta zenbait arratsaldetan izango dira. Ordutegi horretan atsedenaldea edo jolas garaia ere badute. Ordutegi hori luzeagoa izango da, ikaslea ikastetxeko jantokian gelditzen bada: eskola goizean hasten denetik, arratsaldean amaitzen den arte.

Ordutegi orientagarria:

	Haur eta lehen hezk.	Bigarren hezk.
Goizez	09:00 - 12:00	09:00 - 13:00
Arratsaldez	15:00 - 17:00	15:00 - 17:00

Ikastetxe baten antolamendua. Oinarrizko hiztegia

Zuzendaritza Taldea: ikastetxea kudeatzeko ardura duten pertsonak osatzen dute (Zuzendaria, Ikasketa burua eta Idazkaria).

Irakasle klustroa: Ikastetxeko irakasle guztiak osatzen dute. Ikasleen irakaskuntza eta ikaskuntza prozesuei buruzko erabakiak hartzen dituzte.



Tutorea: Ikasgela bateko ikasleen irakasle arduraduna da. Tutorea izan ohi da familiekin harremanak izaten dituen eta bere ardurapean dagoen ikasle bakoitzaren ikaskuntza prozesuaren berri ematen duena.

Gurasoen Elkarte (GE): ikastetxeko familiek osatzen dute. Eskola-orduz kanpoko kirol eta kultur ekintzak antolatzen ditu, baita gurasoen formazioarekin lotutako beste ekintza batzuk ere. Parte-hartzea borondatezkoa bada ere, oso garrantzitsua da etorri berri diren familiak Guraso Elkartearen ordezkariengana hurbiltzea, informazioa jasotzea eta, ahal duten heinean, elkarlanean aritzea eta ekintzetan parte hartzea.

Ordezkaritza organo gorena (OOG) edo eskola kontseilua: Hezkuntza komunitatearen estamentu guztiak hartzen dute parte organo horretan: gurasoek, irakasleek, zuzendaritzak, ikasleek eta irakasle ez diren langileek. Organo horretan erabakitzen dira ikastetxearen funtzionamenduaren alderdi nagusiak.





Bestelako informazioa

Bekak

Irakaskuntza doakoa bada ere, testu liburuak, eskola materiala eta jantokia (erabiliz gero) ordaindu egin behar dira. Familiei gastu horiek ordaintzen laguntzeko, laguntza ekonomikoa emateko deialdi bat egiten da urtero: bekak.

Hauetarako laguntzak ematen dira:

Testuliburuetarako eta eskola materialerako



Jantokirako

Deialdia urrian izaten da. Beka horiei buruzko informazioa eta izapideak ikaslearen ikastetxean bertan izaten dira. Hala ere, ikasle etorkinak ikasturtea hasita dagoenean etortzen badira ikastetxera, geroago eskatu ahal izango dituzte bekak.

Eskola jantokia

Ikastetxeek eskola-jantoki zerbitzua izaten dute. Menu berbera izaten dute ikasle guztiek, baina badira dieta bereziak ere, osasun arrazoiengatik edo bestelako arrazoiengatik.

Eskolaz kanpoko jarduerak

Jarduera horiek eskola jarduna amaitzen denean egiten dira. Jolas, kirol edo kultura jarduerak izaten dira, eta ikastetxeko guraso elkarteak antolatzen ditu. Gehienetan, kuota bat ordaintzen da eskolaz kanpoko jardueretan parte hartzeagatik

Itzulpen zerbitzua

Beharrezkoa denean, ikastetxeek aldibereko itzulpen zerbitzua izan dezakete.



